

Der dritt tayl.

¶ Von ayer müßern. Wiltu machen ein gut ayer maß vñ ayer tottern
Nim guten wein vnd weichsemelbrot darein/treyß es durch/vñ thu
hönig darein/vnd thu es in ein kleinen hasen/ setz auff kolen/rürs für
sich dar/vnd wenn es dick wirt/so hebs ab/saltz vnd schmaltz es.

¶ Das.xliij.Capitel.

¶ Item ein ander gemein ayer müßlein. Nim guten milchraum/
melb vnd ayer/das klopff gar wol vnder einander / das das melb vñ
ayer wol zertriben werden/ Ist es zu dick so gib ein milch/vnd geiß
daran zertreyß es aber/ Ist es zu dünn/so thu mer schön melb daran/
das zertreyß vor mit der milch/als ein kinds muß/hab die pfann auff
dem feür mit heyssem schmaltz/vnd schüt die milch vnd ayer darein/
rür es wol biß hert wirt/richts an/vnd see Ingeber darauff/vñ zettel
ein lautter schön milch schmaltz darauff/vñ gibs für in der pfannen.

¶ Das.xlv.Capitel.

¶ Ein gut müßlein vñ ayern/ send herte ayer/ die schel vñ hack's klein
zwoir ein schon mel darunter mit milch/ thu die ayer darein/tempe-
rier es wol/vnd rürs darnach in ein heisse milch / so wirt ein gut muß
darauff/ laß fieden als ein kinds müßlein/vñ rürs das es nit anbrinn.

¶ Das.xlvj.Capitel.

¶ Item send ayer hert/vñ hack' den tottern besunder/ thu ein rohes ay
darunder/ zwoir aber milch ein/ schön melb darann/das es dick werdt
als ein teyg/schneid stücklein darauff/vñ bach sie in einem schmaltz/
so werden gute kücklein darauff/truck'en zuessen oder in kess brüen.

¶ Das.xlvij.Capitel.

¶ Item wiltu machen ein gut gemüß vñ ayern/so nim ayer vñ melb
reyß das wol durch einander/ geiß ein heisse milch daran/vnd mach
es nit zu dünn noch zu dick/ thu ein recht saltz darein/versuch es wol/
Das gemüß magstu in zweyerley form machen / Nimstu ayer vnd
melb/so hack' kleine geriben von altem schweinem fleysch darein/das
reyn berge sey/vñ send es/hastu es nit/so nim milch schmaltz/vnd laß
nit an brinnen/see lauter Ingeber darauff an der anrichte vñ gibs dar
Wiltu das wol gelb haben/so zwoir saffran in ein lawe milch vñ tem-
perier es.